

Das. LXIII. blat

fürsten oder herren/wie oder wo har die ruren/geistliche rechtens leyenrechtens oder freyen marck rechtens od Dorf rechtens.vñ dartzu aller ding do mit wir vnser erben vnd nachkomen oder yeman von vnser wege disen Brieff krencken/oder kuenetley wort od werck/die darynn begriffen vnd be rürt sint widertryben oder gebrochen mechten in kein wyse/ alles on ge werde. Vnd des alles zu gutem yestem wozem verkund so geben wir oftege nanten. V. dem vilgemelten kouffern/ mit namen. V. vnd ir erben vñnd nachkommen vñ allen inhabern dis Brieffs/als vor stot/ disen Brieff für vns vnser erben nachkommen vnd vnser hereschafft.

Ein ewiger kouff als vmb ein walt kurz form.

Ich ic. veriehen ic. für vns vñ alle vnser erben das wir beyde mit gesun den syben /mit wolbedachtem müe/mit güter vor betrachtung zu den zytē vnd an den sterten do wir es wol gethün möchre recht vñ redlich zu einē steren ewigen kouff verkoufft vnd zekouffen geben haben/ vnd geben ze kouffen mit diesem brieff. wie dann ein ewiger vnd steter kouff billich durch recht krafft vnd macht zu ewiger bestendikeit hat haben sol vnd mag vor allem rechten vnd vor menglichem Dem erbern. V. vñ allen sin erben vir fern walt genant. S. mit allen sin rechten vnd zugehörungen vnd in al ler maß als/er vngewerlich an vns kommen ist/nach lute vnser brieffe dar über sagende. Vnd ist diser kouff geschessen vmb hundert pfunde yteliger güter gemeiner lands werung Der wir von im also har zu vnsern kunt/ lichen handen vnd frummen vnd nutzen gewert vnd bezalt sein. Vñ al so verzyben wir vns für vns vnd für alle vnser erben vñ nachkomē aller der recht fordrung vnd ansproch so wir vnser erben vñ nachkommen/ od yeman von vnsern wegen ye gehebt haben oder geywynnen möchten an dem vorgünten walde in allen wege ongewerlich. Vnd also mag der vor genant. S. vnd alle sin erben nün füro me den vorgünten walde mit siner zugehörde ierlichen vnd ewiglichen inhaben/vñ in nutzen niessen besitzē besetzen vñ entsetzen vñ do mit thün vñ lassen als mit andern iren eygen güten noch irem libsten willen/on vnser vñ vnser erbe vñ aller möglichen von vnsern wegen irrung hynderniß vnd spörung on alle geuerd. Wer ouch ob der vorgeschriben walde dem vorgenanten. V. oder sin erben gar oder eins teils von yemand ansprüchig würde/wie sich dz fügte ongewer lich/das sollen wir oder vnser erben ynnen vertigen vertretten vnd ver sprechen vnd allenthalben ledig machen nach der egenantē statt. V. rechte on alle geuerde. Vnd des zu einer wozem verkünde so geben wir im vnd si nen erben disen Brieff versigelen mit ic.

Andere kurz kouff form.

Ich Cuntzenlauwel von schilke ym ic. bekenn öffentlich mit diesem brieff das ich mit guttem freym wylken vnd wolbedachtem müe dem. V. recht vnd redlich verkouffet vnd zu kouffen geben hab. V. tagwerck matten zu R. gelegen mit allen sinen zugehörungen/ ouch mit allen sinen rechten. Dñch mit allen den eren vnd rechten wie das bisshar vff mich komen ist/ vnd ich es ingebebt genügt vnd genossen hab für luter fry ledig eyden onbekümbert. Das vshgenommen der ierlich zins ic. Vñ ist diser kouff ge

*Kouff Brieff
Giltlinger
Löfflein.*

Kouff Brieff kurz form